

DIVINA AFFULGENTE  
GRATIA,

&

Approbante Amplissimo Collegio  
Philosophico

In

Regia Academia Aboënsi,

Sub PRÆSIDIO

VIRI MAX. Reverendi atque Amplissimi  
Dn. ISAACI BJÖRKELUND,  
S.S. L.L. Prof. Reg. & Ord.

PHYSICAM  
CAUSSARUM FINA-  
LIUM  
CONSIDERATIONEM

Ad

Publicum bonorum examen modeste defert

S. R. M. Alumnus

ABRAHAMUS KROK, Dan. Fil.

*Sueciæ Smolandus.*

In Audit. Max. die VII. Cal. Novemb.

An. MDCCXXXIV.

---

ABOÆ, Exc. Joh. Kiämpe, R. Ac. Typ.

*ABRAHAMUS KROK*

S:æ R:æ M:tis Summæ Fidei VIRO,  
Reverendissimo  
PATER ac DOMINO,  
**DN. GUSTAVO**  
**ADOLPHO**  
**HUMBLE,**

S:S:tæ Theol, DOCTORI Celebra-  
tissimo, Diœcesios Wex. EPISCO-  
PO Eminentissimo,  
Senatus Ecclesiastici ibidem PRÆSI-  
DI Amplissimo,  
**MÆCENATI MAXIMO.**

**T**emeraria ne magis, quam' *veneranda*  
*bunda mente*, Rev. Dne Episco-  
pe, nomini Tuo Ampliss. pagellas bas-

et consecrare viderer, dubius habitabi dñm.  
Jubar vero Gratiæ Tuæ plane singularis,  
quo Musarum alumnis lucem conferre soles,  
dubitacionis nubem dispulit. Levidense itaq;  
hoc specimen, ante pedes Thos; ut testimoniu-  
perpetua mea in Te venerationis & ob-  
servantie, depositum, Fronto Tua sere-  
na digneris, humillime rōgo. Quid si e-  
venerit, spes meæ adfictæ habebunt, do  
quo sibi gratulari possint. Deum calidissi-  
mis precibus sollicitare non intermittam,  
velis Te Rev. Dne Præsul, Ecclesiæ,  
Patriæ & Familiaæ Tuæ Illustri, in se-  
ros annos fospitem & incolumente com-  
servare.

Reverendissimi Nominis Tui

Devotissimus cultor  
Abrahamus Krok.

Nobilissimo Amplissimoque Domino;

# DN. A D A M O I N G E L E T ,

Supremi, per magnum Ducatum Fin-  
landiæ, Dicasterii Regii Consiliario  
Consultissimo,  
Patrono meo Benignissimo.

**Q**ue in me, Nobilissime Dne Dica-  
sterii Consiliarie, documenta fa-  
voris hand vulgaris quotidie cumulare non  
dedignaris, tantopere me obstringunt, ut  
si vel maxime dubitaretur, recte posse  
amplissima nomina ab inferioris sortis ho-  
minibus compellari, id in praesentia me in  
ancipiti berere non sineret. Dignissimum

it AE

Itaque Nomen Tuum minuta huic opel-  
la prefixi, ut vel hoc modo devotissimum  
simul & gratissimum testarer animum. Sed  
ne sic quidem videbor officio defunctus:  
quapropter digna satis remuneratione de-  
stitutus, ad Deum supplici mente confu-  
gio, intimo corde exoptans, ut Tuum  
favorem tantum, sanguinis inuscitatum, omni  
felicitatis genere quam abundantissima  
compenget, quo diutissime vivas & vigeas  
in Regis Regnique commodum & emolu-  
mentum, inque Tuum ipsius gaudium,  
& solatium clientolorum: quorum e nu-  
mero me, duriori afflictum fato, indefa-  
nenter esse permittas, quam emixissime ro-  
go: mansurus, dum vivero,  
Amplissimæ Tuæ Dignitatis

Cultor buntissimus  
Abrahamus Krok.

*Maxime Reverendo atque Ampliss. Domino.*  
**Dno OLAVO OSANDRO,**  
S.S. Theol. Doctori celeberrimo, Diœcesis Wex. Archipræposito, & Civitatis Wex. nec non adjacentium Ecclesiarum Pastori dignissimo, Consist. Eccles. Propræsidi graviss. ut Mæcenati benignissimo, ita omni veneratio, s genere ætatem prosequendo.

*Plurimum Reverendo ac Praclariss. VIRO,*  
**Dno. JOHANNI KROK,**  
Frœderydensium & Eccles. adjacentium Pastori & Præposito vigilantissimo: non solum Patruo, sed animo & beneficiis Patris loco, qvovis pietatis cultu æternum proseqvendo.

*Plurimum Reverendo & Clariss. VIRO,*  
**Dno. BERONI LIMNORIN,**  
Eccles. qvæ Deo in Sandis & Walsis colliguntur, Pastori meritissimo, Patrui loco, singulari observantia perpetim venerando.

**A**cipite, Patres & Patroni optimi, benitias, quas in testimonium debite reveroris specimina, nec non in spem ulterioris additis pro perenni vestra inco-  
Max. Rev. & Præ-  
Cultor  
Abrahamus.

Admodum Reverendo & Preclariss. Domino,  
Mag. ELIÆ AMERIN,  
Dioecesis Wex. Seniori, Tolgenfium Pa-  
stori meritissimo, & circumiacentis di-  
strictus Præposito laudatissimo, Patrono  
meo magno, omni observantiae cultu  
suspiciendo.

Viris Admodum Reverendis atq. Preclariss.  
Dominis MAGISTRIS,  
S.S. Theol. & Phil. in Reg. Gymn. Wex.  
Lectoribus dexterim, Synedrii Eccle-  
siastici Assessoribus æquissimis, promo-  
toribus meis optimis, submissa mente  
jugiter colendis.

Per quam Reverendo Viro,

Dno DANIELI KROK,

Verbi Divini i Tolg Comministro soler-  
tissimo, Parenti meo dulcissimo, omnis  
pietatis affectu & obsequiorum alacrita-  
te ad cineres usque honorando.

gno adspectu levissimas hæc studiorum primi-  
rentia, ob innumera in me collata beneficia &  
commendationis, Vobis offero venerabundus,  
lumitate votis ardentissimus.

clar. Nominum Festrorum

observantissimus


Krok.

*Præstantissime Domine, eruditio[n]is morumq[ue]  
elegancia Dexterrime,  
Amice in paucis Dil[ig]ete.*

**U**na quidem eademque illis, qui *Castrorum se-*  
*quuntur Minerva, posita est meta, solidam*  
*nimirum sapientia & vera: ad hanc vero va-*  
*riam & diversa percurritur via. Quidam e-*  
*nim anfractibus desatigati, ager vel nunquam*  
*metam contingunt: alii deviis festinantes, vor-*  
*ticibus sese committunt, unde eluctari postea*  
*nequeunt: alii autem medium tenentes, felici-*  
*ori navigant aura, qui solidiora cogitantes*  
*impigri in rerum notitiam devehuntur. Hanc*  
*Te, amice integerrime, ingressum esse viam,*  
*præsens concinna & egregia testatur Disserta-*  
*tio, quam Tibi ut, impensis tuis quam pro-*  
*lixius, gratularer, singularis nostra fecit a-*  
*micitia. Gaude igitur hac Tua dexteritate, at-*  
*que in gaudium Tuorum perpetuo vige, flore*  
*& vale. Quod optat ac sincere vovet*

*Tui*

*Studiofissimus*  
*Reinh. Joh. Lode.*



§. I.

**E**x eis, quæ hujus universi machinam constituant, rebus, innumeris usus in genus humana-  
num redundare, nemo, cui sanum est sinciput, inficias is-  
re potest. Licet n. quamplu-  
rimi phænomenorum finis no-  
stram fugiant cognitionem.:  
non pauci tamen adeo sunt  
conspicui, ut plebejo quoq;  
oculo leviter saltem attenden-

A. — 53

ti pateant evidentissime. Præteritis namque reliquis, si solis continuos motus conspiceret libeat, eos non tantum utiles, sed maxime necessarios deprehendens: quippe sine quorum annua variatione totus terrarum orbis vel frigida obscuritate, vel torrida sterilitate vacuus esset. De utilitatibus, quas nobis adferunt quatuor illa, quæ clementorum nomine vulgo venire solent, nibil est, quod dicamus, quum nihil natura- lium sine horum adminiculo suscipiatur. Variantissimos, eosque innumeros & mirificos herbarum, plantarum, pecorumque usus, tum saluti, tum

sustentationi hominum desti-  
natos, quotidiana docet ex-  
perientia. Ibla membrorum  
corporis animati concordia  
conformatio, eadem certo  
cuiusdam usui destinata &  
accommodata esse, evincit. Quis  
n. ventriculum alimentorum  
coctioni, oculum visui, au-  
rem auditui accommodanssi-  
ma esse negabit? Quis etiam  
ex paucis hisce, aliisque argu-  
mentis convictus non agno-  
scet, naturalia omnia princi-  
pios atque certos fines, sco-  
pos & usus respicere, & cor-  
sequenter finalium causarum  
considerationem esse maxime  
necessariam? Hoc quum op-  
pugnaverint quidam superios

tum seculorum philosophi: nec multis ab hinc lustris magni nominis viri idem negare sint visi, aliosque in sui vel admirationem, vel indignationem excitaverint; eorum argumenta, litisque genus, pro modulo ingenii, speciminis cuiusdam academici loco, expendere non pigebit, si favor Tuus, B. L. innoxios hosce conatus juveniles æquibonique consuluerit.

## §. II.

**I**N ipso substratæ tractationis limine, noster non erit labor, vocabula, quæ tituli loco opellæ præfiguntur, anxie explicare, qvum in posterum amplior forte detur

occasio ex ipsa dissidentium  
contentione observandi, quid  
per caussas rerum finales quae-  
libet pars intelligat. Præter-  
ea neque obscurum videri ar-  
bitramur, questionem hanc  
ad solas meditationes physi-  
cas in inscriptione restringi,  
adeoque inter saniores non  
quæri, quid homini in uni-  
versum in contemplatione re-  
rum creatarum sit faciendum:  
sed annon physicus, quatenus  
physicus est, considera-  
tionem & pertractionem  
causiarum finalium minime  
negligere debeat & præterire,  
si officio suo rite defungi ve-  
lit. Aut contra, num phy-  
sicus officio suo convenienter  
agat

agat, si evolutionem finium,  
ut argumentum alicnum &  
sibi inutile, a foto suo pro-  
scribat, neque operi suo im-  
misceat. Ita n. varie de hac  
re quæsitum est, contrariæq;  
plane occurruunt de ea docto-  
rum sententia.

## §. III.

**Q**UAM itaque de causis  
rerum naturalium fina-  
libus disceptatur, non mirum  
est, earum considerationem  
penitus rejici ab Epicuro, De-  
mocrito, & ejus farinæ phi-  
losophis veteris ævi. Ista nam-  
que horum opinio prono-  
quasi alveo deducitur ex hy-  
pothesi illa, eis familiarissi-  
ma, nempe nihil rerum na-  
tura-

turalium certo consilio sive  
proposito unquam factum;  
sed casu quodam & fortuito  
atomorum concursu nata es-  
se omnia. Sed ne omni ratio-  
ne viderentur destituti, ar-  
gumenta quædam in speciem  
adduxerunt. Videlicet absur-  
dum esse, de finibus rerum  
quærere, quoniam nulli fi-  
nes intenti fuerint, cum res  
fierent. Res a. non posse  
esse creatas propter certos fi-  
nes ideo, quod ipse rerum  
usus ante res ipsas non fuerit  
cognitus: e. g. non visus  
ante oculum; non auditus  
ante aurem, & alia ejusce-  
modi, quæ in aliis, quæ  
propter usum aut finem ali-  
quæm

• quem indubie fiunt, usus i-  
pse prius jam innotuerit. Ve-  
rum homunciones isti profana-  
de tanti artificii auctore pro-  
dunt opiniones. Etenim in-  
fallibiliter colligitur, huic  
non opus fuisse aliunde prius  
cognito sive eo ipso, sive a-  
lio quocunque usu, ad exco-  
gitandam fabricam isti obti-  
nendo accommodatam. Ut  
maneamus in exemplo oculi,  
quis unquam ejus structuram  
attentius considerans, cum  
ratione dixerit tam stupendæ  
sapientiæ documentum temes-  
re & casu coaluisse, quum  
nemo sanus rudiorem ejus is-  
mationem, cameram obscu-  
ram, contemplans, ausit af-  
firma-

firmare, cani fortuito & sine  
consilio esse conflatam? Quod  
porro de contingentia inge-  
runt, pluvias decidere non  
frumenti augendi gratia, sed  
potius ex necessitate: fruges  
v. casu ab eis irrorari: circa  
hoc observandum est, pluvi-  
arum huic solum non esse  
finem: alii etiam multi, ex  
parte, satis sunt manifesti,  
ut aëris tempestes & salubri-  
tas, æstus nimii restinctio,  
& si qui plures. Idem deni-  
que de vario organorum, in  
corpore animali, usu affir-  
mandum esse putamus. Nec  
n. tendinum muscularumque,  
ex usu frequenti, corroborati-  
o ullum rebur fortuito co-  
rum

rum ortui conciliae, quum,  
Aristotele Lib. II. Phys. C. 30.  
recte observante, quædam  
sunt sibi invicem causæ. Sub-  
moto igitur principio, i. e.  
fortuito atomorum concurso,  
unde hoc consequarium ma-  
navit, liberum nobis erit post  
ea sententiam nostram de  
fine rerum in physicis consi-  
derando pronunciare.

## § IV.

**P**RISCORUM hac de re pla-  
citis breviter in trans-  
curlu consideratis, recentio-  
rum iam, & præcipue Carte-  
sii, cum adversariis ejus,  
agitata litigia, super hoc ar-  
gumento, paucis lustrabimus.  
Hic quum a scholasticis aliis  
que

que asseri comperisset, omnia  
in mundo tantum, vel fal-  
tem primario propter homi-  
nem producta esse, & hac  
productione Deum suam ipsius  
gloriam respexisse: id ipsu-  
m non tantum superbiaz Dco ver-  
ti existimavit; sed & tum ar-  
roganter a nobis fieri, si o-  
mnia nostri ergo facta pute-  
mus; tam temerarie, si Dei  
in creando fincs perquiramus:  
immo imperfectam evadere  
physicam scientiam, si neg-  
lectis caussis magis naturali-  
bus, ratione a finalibus caus-  
sis petitâ omnia solvantur.  
Ergo in part. I. princip. phi-  
los. qvum N. XXIV. Deum,  
solum omnium, quæ sunt,

veram esse causam, & ex  
hoc fonte, rerum creatarum  
**explicationem** optime deduci  
ostendisset, deinceps N. XXVIII.  
subnec*tit*, nullas unquam ra-  
tiones circa res naturales a  
fine, quem Deus aut natura,  
in iis faciendis, sibi propo-  
suerit, desumendas, addita  
ratione: *quia non tantum debemus nobis arrogare, ut ejus consiliorum nos participes esse possemus.* Eodem fere modo  
Meditatione IV. postquam or-  
mannum hominum perpetuam  
a Deo dependentiam huma-  
no ingenio certo certius con-  
stare affirmasset, Deumq; na-  
tura sua immensum, incom-  
prehensibilem & infinitum in-  
nume-

numera posse, quorum causæ nos fugiant, dixisset, tandem concludit: totum illud causarum genus, quod a fine peti solet in rebus physicis, nullum usum habere existimo; non n. absque temeritate me puto posse investigare fines Dei.

§. V.

**H**oc quum ex scriptis Cartesii intellectum esset, Gassendus, qui ab altera parte agmen duxit, se ei vivo statim opposuit, eumq; male in eo philosophiae consulere judicavit, quod in contemplatione magnitudinis divinæ, usum causarum finalium e physica eiecerit, cum ex admirabili corporum struclura & concinna

na totius systematis convenientia, invictum peti possit argumentum, quo divina existentia, sapientia, & omnipotentia lumine naturæ cognosci queat. Qvod Cartesius investigare fines Dei temerarium esse dicat, eatenus concedit Gassendus, quatenus per fines Dei, illi solummodo intelligantur, quos Deus ipse occultos voluerit, vel investigari prohibuerit. Qui v. illos prescribat fines, qui tantum palpabiles nobis occurruunt, & sine multo labore innescunt, valde errare contendit, quum sipe accidat, ut non alia caussa adeo, quam fines sint in pro-

patu-

parulo, ubi vel his solis ad sapientiam Conditoris celebrandam impelli nos decet. Cont. Object. ej. qvint. Huic sententiaz alii magno numero subscripserunt, inter quos vir illustris *Boyleus*, Cartesio aliquin faventior, hanc ejus hypothesis strenue impugnat. Ingeniosissimus *Leibnitzius*, castigata hac Cartesii opinione, tanti facit cauſtas finales, ut præter admirationem divinæ sapientiaz easdem dicat pulcherrimum nobis principium præbere inveniendi earum, quoque rerum proprietates, quarum interior natura non dum tam clare nobis patuit, ut cauſas efficientes proximas  
de.

deprehendamus. *Du Hamel*  
*de consensu vet. & nov. phil.*  
*Lib. I. C. I.* finem statuit caus-  
 farum omnium principem,  
 adeoque minime negligendum,  
 quum caussas omnes ille vi-  
 sua contineat in pleatque, &  
 rebus in ipsis aut effectibus  
 dominetur. Et quæ sunt a-  
 lia, quibus eruditii Cartesi-  
 um aseclasque hic convellunt,

§. VI.

**Q**uam autem Cartesius i-  
 pse, ejusque sectatores  
 contendant, hæc sibi objecta  
 & exprobrata suam thesin  
 minime ferire, videndum no-  
 bis est, quia ipsi sese ratione  
 explicent. Tripliciter potissi-  
 mum ab eis responsum esse  
 repe-

reperimus. I. Cartesius obiec-  
tionibus Gaslendi regerit:  
Quae affers pro causa fi-  
nali, ad efficientem sunt reo-  
ferenda. Qua brevitate Stur-  
mio phys. elect. Lib. I. Sect.  
I. c. 5. epic. §. 2. videtur  
Cartesius indignabundus innu-  
ere, cum operationes & ef-  
fectus rerum naturalium de-  
monstramus, hoc ipso effe-  
ctuum horum efficientes phy-  
sicasque causas a nobis assi-  
gnari. Sive ut nobis quidem  
liqvidius mentem auctoris ex-  
ponere videntur verba ipsius  
mox adjecta: ita ex inspec-  
tione operum cognoscere ac glori-  
ficare opificem par est. Scilicet  
rationibus ad hanc confessio-

nem manifestis adactus est, ita tamen, ut physico ex causarum effectuumque naturalium consideratione amplam sati occasionem subministrari afferat, immensam Creatoris sapientiam admirandi celebrandiique, quamvis consilia ejus, rerumque praelertim singularium fines rimari non adgrediatur. 2. Concedit quidem in ethicis, ubi conjecturis sape argumentemur, aliquando pius esse, conjicere, quem finem sibi Deus in regendo universo proposuerit: in physicis v., quae solidis sunt rationibus firmanda, id non decet, quum fines Dei in imper-

perscrutabili sapientiae ejus profundo lateant. Idem & Steph. *Chauvin*, qvi Cartesii sententiā suscepit confirmandam, Lexico philos. monet, esse finis inquisitionem in ethica utilem, in physicis v. sterilem: immo finem in censum caussarum physicarum admittendū negat. 3. Petrus *Poiret*, heic Cartesio amicissimus, in Cogit. Rat. de Deo, anim. & mal. Lib. III. c. 15. n. 8. &c. sensum ejus ita explanat, ut distinguendum jubeat usum rerum, a scopo sive motivo, cur Deus res produxerit. Si igitur queratur, quisnam hujus rei verus sit usus, quem ei Deus assignavit, cum rem

produxit: non modo justam  
& æquam, verum & maxi-  
me necessariam judicat hanc  
quæstionem, cum nihil uti-  
lius sit notitiâ legitimæ crea-  
turarum occupationis & usur-  
pationis. Si v. quæratur, quo  
scopo, quibus motivis, ratio-  
nibusq; inductus Deus hoc  
vel illud egerit: non sine te-  
meritate & impietate de co-  
disqviri opinatur. Eodem &  
ipse Cartesius l. c. digitum in-  
tendere videtur: ita, inquit,  
ex usu partium in plantis &  
in animalibus effectorem Deum  
mirari par est, non autem quo  
fine quidque fecerit divinare.

## §. VII.

**E**X allatis facile colligi ar-  
bis

bitramur, controversiam hanc  
a diversa vocabuli *finis* acce-  
ptione magnam partem esse  
repetendam, adeoq; non au-  
simus cum Celeb. Sturmio I.  
all. dicere totam, multum ta-  
men ejusdem, in *λογικαῖς* ab-  
ire. Cartesius n. cum suis  
vocem hanc non nisi in stri-  
ctiori sensu admittit: reliqui  
eam latius extendunt: in ea  
tn. contentione utrinque pec-  
cari putamus. Namq; ab ad-  
versa parte, qvæ cauſas finales  
tuetur, non tantum magna-  
cum Cartesianorum invidia i-  
sdein exprobratur, optimum  
argumentorum genus ad glo-  
riam Dei demonstrandam e-  
jusmodi hypothesi tolli: verū  
&

& multi impietatis crimen.  
Cartesio aperte impinguant,  
quippe qui, quum, rejecta fi-  
nium ratione, ex solo mate-  
riæ mechanismo effectus na-  
turales derivare nitatur, athe-  
ismi semina sparserit, quod  
vel exemplo Spinozæ, Carte-  
sianis imbuti principiis, pa-  
teat. Hæc, inquam, expro-  
bratio non omni vacare ini-  
quitate videtur, quum Car-  
tesius rem ipsam haud obscu-  
re fateatur, licet de nomine  
modoque argumenti diversa-  
fentiat. Etenim nusquam  
Cartesius cum sectoribus  
res fortuito ex atomis co-  
luisse aut etiamnum coalesce-  
re statuit, sed omnis tum

materiæ, cum motus cauſam primam Deum ubique agnoscit: immo de ejus existentia mentem nostram convictum est, tam attentione ideæ ejus, quam inspectione operum, ubi sapientiam effectoris elucere non inficiatur, quamvis hujus celebrationem alibi rectius, quam in physica, fieri afferat. Frustra ergo Cartesianæ hypothesi videtur objectari ortus spinozistini, quum impii homines etiam optimis quibusque ad nequitiam abuti possint.

Neque vero Cartesiani magis in hac lite a culpa sunt immunes, qui quum a scopo rerum producendarum usum earum distinxerint, huicque

nomen *finis* denegarint, hypothesi iuxæ pertinaciter inhærent, adversus omnium eruditorum consensum, qvibus nihil usitatius est, quam eam qvoq; rem appellare finem. Qvin ratio ipsa eos pervicet convincit, qvum ne specie qvideni negari queat, id in qvo usus rei legitimus, quem & Poiret consideratu utilem ac necessarium judicat, sese exserit, prius in caussæ efficiens intentione etiam fuisse ut finem & scopum rei producendæ, qvanquam alii simul fines fræpe concurrere possint. Sic machinæ hydraulicæ usum, qui est aquam e profundo sursum attrahere, quis non videt ab ar.

artifice esse intentum, qvum  
machinam conficeret, omnes  
qve ejus rotas, siphones &  
reliqua ita aptaret, ut finis  
iste obtineri, seu effectus ta-  
lis produci queat? Cartesiani  
igitur admittant necesse est,  
verum usum rerum etiam es-  
se finem seu scopum earum  
efficiendarum, adeoque fines  
rerum catenus esse investigan-  
dos.

## §. VIII.

**V**erum caput hujus con-  
troversiae est, de qvo  
litigantes reipse dissentunt,  
sintue causæ rerum finales,  
& qvænam, in doctrina phy-  
sica considerandæ? Ubi pri-  
mum advertimus, non appa-  
rere nobis, qvomodo hæc enū-  
ciata sint concilianda, video  
lucet

licet id, quod in una disciplina est pius ac necessarium, in altera esse temerarium; item, in ethicis sufficere saepe conjecturas, in physicis vero omnia solidis probanda esse rationibus: quasi in morum doctrina non requirantur denturque rationes probandi atque certe & validæ, nisi firmiores, atque in physica. Deinde quod ad rem ipsam attinet, laudamus intentionem Cartesii, quod superficiariam rerum cognitionem aspernatus, in interiorem naturæ finum penetrare nitatur, effectus naturales a causis efficientibus demonstraturus. Quam demonstrandi rationem, ut potissima est, ita physicæ appri-

me convenientem agnoscimus,  
modo fieri possit, ut indubi-  
tata ejusmodi & solida den-  
tur principia, unde phæno-  
mena omnia certo & liquido  
deduci queant. Dum autem  
hos scientiæ naturalis fontes  
comprendamus, non eo ipso  
caussas finales, ut inutiles,  
negligendas pronunciamus, ne  
dum ut alienas & rem teme-  
rariam a foro physico pro-  
scribimus, sed justum illis lo-  
cuni in naturali doctrina po-  
stulamus. Ut n. imperfecta  
est naturæ contemplatio, si  
neglecta effidente caussa &  
materiæ conditione, ad fines  
tantum rerum attendat: ita  
sterilis foret eadem, si in nu-  
dis speculationibus subsisteret.

Quic

Quis unquam artificiosum aliquod opus lustrans, non simul cogitat de ejusdem fine? Quis horologio conspecto, quis molendinum ingressus, tantæ artis structuras, rotarum implicationes & concatenatas circulationem scrutatur, ut eō ipso non sit de usu earum sollicitus? Ita suus cuiusque animus in contemplatione rerum creatarum occupatus simul quærit, nisi antea nos verit, earum usus, i. e. fines. Immo fateatur quilibet necesse est, se non otiosum tantum spectatore in huic rerum theatro esse immisum, sed ut aliquid in utilitatem communem pro virili conferat. Certe physici hoc cum primis

est

est officium, nisi opus ejus  
mutilum & occupatio futura  
sit otiosa, ex diligentí rerum  
singularum inspectione, par-  
tiumque in iis conformatiōne,  
quoad ejus fieri potest, eruere  
ac designare usus, quos hu-  
mano generi præstare possint,  
atqve ex universis colligere  
& demonstrare admirabilem  
Conditoris sapientiam: qvos  
deinceps usus, a physico sub-  
ministratos, reliqui, ut ethi-  
cus, medicus, mathematicus,  
in suis disciplinis applicant, la-  
tiusq; exsequuntur.

### §. IX.

**C**eterum qvinam denique fi-  
nes in physica sunt consi-  
derandi? Generalem omnium  
rerum finem, bonitatis, poten-  
tia

tiæ & sapientiæ divinæ laudem, ubique fas est qværere ac celebrare: qvanto ergo magis in physica , ubi in operum divinorum contemplatione occupatis amplior ejus offertur materies ? Etenim homo, mundi hujus incola ratione præditus, dum animum ad stupendum hoc opificium curatius advertit, partes ejus singulas non modo ad sui conservationem, verum & ad universi concinnitatem, sapienter numero , mensura & pondere coagmentatas videt: unde non potest non ad majestatem Creatoris agnoscendam excitari.

Quod vero ad speciales singulorum rerum fines attinet, temerarium quidem est, non dum exploratos pro certis assumere aut omnes omnium fines se exakte adsequi putare. Verum tamen cum homo justa mentis attentio ne uisus, strueturam multorum

cor-

corporum ita esse aptatam videt, ut effectus, quos singula edunt, non possint non exinde provenire: jure colligit, Deum, qui nihil inconsulto, sed omnia sapientissimo fecit consilio, in creandis iisdem hunc scopum seu finem sibi proposuisse, adeoque ut ab homine idem ex apta corporis cuiuscum compage erueretur, voluisse. Quidam multi rerum naturarum effectus ususque tam manifesti sunt, & quasi palpabiles, ut haud inviti se offerant: quum tamen causæ haud raro tam spissa lateant caligine obrutæ, ut omnis de iis conatus in vacillantes desinat conjecturas. Unde & *Clericus retrogradam illam demonstrandi rationem ab effectibus ad causas physicis evadet*, ut recensitis prius naturæ phænomenis, in eorum caussam inquirant, si forte palpando inveniri queat: si vero minus, quousque in unaquaque

re progredi possint, candide ostendant: quum systema physices, geometrico more demonstratum, frustra exspectetur. Certe satius est evidenteribus rerum effectibus usibusque adquiescere, quoties abstrusa naturae ratio conatum sine erroris periculo ultra procedendi destituit, quam lubricis de caussa commentis, quanquam ingeniosis, indulgere: qualia Cartesii illa physices principia esse merito dixerimus. Longe n. incertissimum est, sintne intima naturae, sensibus nostris impervia, in primis suis elementis ita comparata, ut ille finxit.

Hæc quum luculentiore egeant per tractatione, quæ in præsentē rerum nostrarum habitum non cadit, factum est, ut ne nobis quidem ipsis, nedum Tuæ B. L. expectationi fecerimus satis: proinde veniam & excusationem conatibus. humaniter regamus.